

Broj: 02D-938-2/24

Datum: 01.04.2024. godine

Na osnovu člana 64. stav 1. tačka b), člana 70. stavovi 1., 3. i 6., člana 72. stav 3. tačka c) Zakona o javnim nabavkama (Sl. Glasnik BiH broj: 39/14, 59/22) i člana 27. Statuta Javne ustanove Opća bolnica „Prim. dr. Abdulah Nakaš“, u postupku javne nabavke – **Obuka radnika iz zaštite na radu i protivpožarne zaštite, JN 115/23**, direktor Javne ustanove Opća bolnica „Prim.dr.Abdulah Nakaš“, donio je

ODLUKU
o dodjeli ugovora drugorangiranom ponuđaču

Član 1.

Ugovor za javnu nabavku – **Obuka radnika iz zaštite na radu i protivpožarne zaštite za LOT 2– Obuka radnika iz protivpožarne zaštite**, dodjeljuje se ponuđaču **Dobrovoljno vatrogasno društvo „Zenica“**, ponuda broj 15-11/23 od 29.11.2023. godine, sa konačnom cijenom ponude nakon provedene E-aukcije u iznosu od 1.488,00 KM bez uračunatog PDV-a, odnosno 1.740,96 KM sa uračunatim PDV-om, kao drugorangiranom ponuđaču.

Član 2.

Ponuđač je obavezan dostaviti originale ili ovjerene kopije dokumentacije iz člana 45. i 47. Zakona o javnim nabavkama, obzirom da iste nije dostavio uz ponudu.

Član 3.

Prijedlog Ugovora dostavit će se na potpis izabranom ponuđaču nakon isteka roka od 10 (deset) dana, računajući od dana prijema odluke o dodjeli ugovora drugorangiranom ponuđaču.

Član 4.

Ova Odluka objavit će se na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama Bosne i Hercegovine (Službeni Glasnik BiH broj: 39/14, 59/22).

Član 5.

Ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama Bosne i Hercegovine (Službeni Glasnik BiH broj: 39/14, 59/22).

Stupanjem na snagu ove Odluke, stavlja se van snage član 1. Odluke o izboru najpovoljnijeg ponuđača broj 02F-11891-13/23 od 04.12.2023. godine.

U ostalom dijelu Odluka broj 02F-11891-13/23 od 04.12.2023. godine ostaje na snazi.

Obrazloženje

Ugovorni organ je proveo postupak nabavke **Obuka radnika iz zaštite na radu i protivpožarne zaštite za LOT 2– Obuka radnika iz protivpožarne zaštite**, putem konkurentskog zahtjeva i donio Odluku o izboru najpovoljnijeg ponuđača, broj: 02F-11891-13/23 od 04.12.2023. godine.

Prvorangiranom ponuđaču za LOT 2, VATROTEH INŽINJERING d.o.o. Sarajevo, nakon dostavljene Odluke o izboru najpovoljnijeg ponuđača, koju je zaprimio dana 11.12.2023.godine, dostavljen je i Ugovor o nabavci usluga od 18.01.2024.godine na potpisivanje. Dana 22.03.2024.godine ugovorni organ zaprimio je akt pod nazivom Povrat Ugovora, u kojem izabrani ponuđač obavještava Ugovorni organ da vrši povrat nepotpisanih Ugovora za javnu nabavku usluga Obuka radnika iz oblasti zaštite od požara LOT-2, te je kao razlog odustajanja naveo da zbog narušenog zdravlja uposlenika koji ima ovlaštenje za izvođenje predmetne obuke istu nisu u mogućnosti izvršiti.

U skladu sa članom 72. stav 3. tačka c) Zakona o javnim nabavkama (Sl. Glasnik BiH broj: 39/14, 59/22), Ugovorni organ dostavlja prijedlog ugovora onom ponuđaču čija je ponuda po rang – listi (Izvještaj o toku i završetku E-aukcije), odmah nakon ponude najuspješnijeg ponuđača, u slučaju da najuspješniji ponuđač u pisanoj formi odbije dodjelu ugovora.

Iz navedenih razloga, a primjenom člana 72. stav 3. tačka c) Zakona o javnim nabavkama (Sl. Glasnik BiH broj: 39/14, 59/22) i člana 27. Statuta Javne ustanove Opća bolnica „Prim.dr. Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

Javne ustanove Opća bolnica „Prim.dr.Abdulah Nakaš“, Kranjčevićeva broj 12, 71000 Sarajevo.

Žalba se podnosi u najmanje 3 (tri) primjerka.

Pripremila:

Emina Turković, dipl.iur.

Glavni saradnik za javne nabavke

Kontrolisala :

Amira Petrović, BA općeg prava,

šef Odsjeka za javne nabavke



DIREKTOR

dr. Ismet Gavrankapetanović

Dostaviti:

- Institut za sigurnost i okoliš d.o.o Tuzla, Stupine C/C3 M.M. Dizdara pp 9 75000 Tuzla
- Proinspekt d.o.o. Tuzla Ismeta Mujezinovića 45 A7 75000 Tuzla
- Dobrovoljno vatrogasno društvo Zenica_Sarajevska 4172000 Zenica
- Vatro sistemi d.o.o. Sarajevo_Safeta Zajke 11571000 Sarajevo
- Vatroteh Inžinjering d.o.o. Sarajevo Igmanska bb71320 Vogošća
- Odjeljenje za ekonomsko finansijske poslove
- Komisiji za javne nabavke